



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

De Processionibus.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

DE PROCESSIONIBUS GENERALIA MONITA.

Publicæ sacræque processiones seu supplicationes, quibus, ex antiquissimo SS. Patrum instituto, Catholicaque Ecclesia, vel ad excitandam fidelium pietatem vel ad commemoranda Dei beneficia, eique gratias agendas, vel ad divinum auxilium implorandum, uti consuevit, quâ par est religione, celebrari debent: continent enim magna ac divina mysteria, & salutare Christianæ pietatis fructus, eas piè exequentes, à Deo consequuntur: de quibus fideles præmonere & erudire, quo tempore magis opportunum fuerit, parochorum officium est.

Videant in primis sacerdotes, aliique Ecclesiastici Ordinis, ut in his processionibus ea modestia ac reverentia, tum ab ipsis, tum ab aliis adhibeatur, quæ piis & religiosis hujusmodi actionibus maxime debetur.

Omnes decenti habitu, & superpelliceis, vel aliis sacris vestibus, sine galeris, nisi pluvia cogente, induti, graviter, modestè, ac devotè, bini suo loco procedentes, sacris precibus ita sint intenti, ut remoto visu, mutuoque colloquio, & vago oculorum aspectu, populum etiam ad piè devotèque precandum invitent.

Laici à Clericis, foemina à viris separatae, orantes prosequantur. Præferatur (non tamen à puella) Crux, &, ubi fuerit consuetudo, vexillum, sacris imaginibus insignitum, non tamen factum militari seu triangulari formâ.

Edendi ac bibendi abusus, secumve esculenta, & poculenta deferendi in sacris processionibus, agrisque lustrandis, & suburbanis Ecclesiis visitandis tollere Parochi studeant: ac fideles præsertim die Dominicâ quæ proximè Rogationes antecedit, quàm hæc dedecet corruptela, sæpius admoneant.

Processiones prius fieri debent, deinde Missa solemniter celebrari: nisi aliter ob ^{supplicatorem} gravem causam interdum Ordinario vel Clero videatur.

Processiones autem quædam sunt ordinariæ, quæ sunt certis diebus per annum ut in festo Purificationis Beatæ Mariæ semper Virginis, & in Dominica Palmarum, & in Litaniis majoribus in diebus S. Marci, & Rogationum, triduo ante Ascensionem Domini, & in

& in festo Corporis Christi, vel aliis diebus pro consuetudine Ecclesiarum.

Quædam verò sunt extraordinariæ, ut, quæ variis ac publicis Ecclesiæ de causis indicuntur. Ad Ordinarium loci spectat decernere atque edicere, quò & quâ viâ processiones dirigi, quasque ad Ecclesias nominatim produci debeant, ut statuit Sac. Congregatio Cardinal. ad Concil. Trident. * in decis. incip. Ad Episcopum in vers. in process. publicis. Laicis est etiam interdictum de jure civili * facere processiones sine consensu Episcoporum; Ex quibus facilè quisque animadvertet, quæ de causa aliqua processiones, aut etiam quædam à laicis sine præhabito ordinarii consensu, in processionibus introducta fuerint per Visitatores nostros abrogata.

* cap. 13. sess. 25. de reg. * Authent. de SS. Episcop. §. omnibus autem laicis. colum. 9.

ORDO PROCESSIONIS SOLENNIORIS.

Primum locum occupant catecheticae lectiones puerorum (qui vel nullam, vel talem frequentant scholam, quæ ad Ecclesiam certam non spectat, nec Clericis alicujus Ecclesiæ jungitur) ac puellarum, si quæ sint, vexillis propriis distinctæ, ac suavibus melodiis Deum laudantes.

Deinde præcedunt Confraternitates laicorum, ante quamlibet sodalitatem, si plures sint, crux deferri debet, cum proprio vexillo propè summitatem hastæ appenso, ipsâ cruce quæ mediocris formæ esse debet superpositâ: velum illud sit cum imagine sancti sub quo sodalitas militat.

Rit. Rom. tit. de process.

Tum sequuntur secundùm ordinem dignitatis vel antiquitatis religiosi, quilibet post suam crucem cum velo, in quo sanctus titularis, deferrique debet cum velo pendente ex decreto Sac. Congregationis * ad indicandam subjectionem & inferioritatem respectu Cleri sæcularis: eadem ratione quâ baculo Abbatiali appenditur velum vel sudarium nodo ejusdem, ad differentiam baculi Episcopalis. Postmodum curiales & officiales portantes intortitia, inter quos nobiliores.

Gavant. * 14. Jan. 1617.

Cerem. Episcop. lib. 2. c. 33.

Cerem. Episcop. cit. loc.

Cerem. Episc. ibid.

Deinde Clerus sæcularis (ita ut, si Clerus Cathedralis adsit, primò loco minister portans crucem Ecclesiæ cathedralis, inter duos ceteros gestantes cereos accensos progrediatur) quam crucem sequuntur Clerici seminarii si adsint: & post eos curati Ecclesiarum

